







史拾衆斷 尚書

明 孫 鑛評 仁和 吳弘基箋

禹貢

箋云。上之所取。謂之賦。下之所供。謂之貢。是篇有貢有賦。而獨以貢名者。孟子曰。夏后氏五十而貢。貢。夏后氏田賦之總名。今文古文皆有。

禹敷土。隨山刊木。奠高山大川。大禹分別土地。以爲



冀州貢

九州莫定山川以別州境。

冀州冀三面距河。充河西。雍河東。豫河北。八州皆言

疆界。而冀不言者。所以尊京師。示王者無外之意。

既載壺口。經始治之。謂之載。經始壺口等。以殺河

勢。治梁及岐。梁岐二山。河水所經。治之以開河道。

既修太原。至於岳陽。修。因縣之功而修之也。覃懷

底績。至於衡漳。覃懷。平地也。洪水懷山。襄陵。平地

致功爲難。故曰底績厥土。惟白壤。冀土豈皆白壤。



土會之法。從多者論也。厥賦惟上上錯。厥田惟中  
中。賦田所出。穀米兵車之類。錯。雜也。賦第一等。而  
錯出第二等。田第五等。賦高於田。四等者。地廣而  
人稠也。恒衛既從。大陸既作。恒衛二水名。大陸曰  
無山阜。可耕治者。象夷皮服。以皮服來貢。夾右碣  
石入於河。貢賦之來。自北海入河。南向西轉。碣石  
在右。轉屈之間。故曰夾右。

濟河。惟兗州。兗州之域。東南據濟。西北距河。九河既

兗州貢



簡索作二  
河者非

道。九河。徒駭。太史。馬頰。覆鬴。胡蘊。簡索。鈞盤。鬲津。

其一。爲河之經流也。雷夏既澤。澤中有雷神。鼓其

腹。則雷鳴。洪水橫流。不能受水。治而後雷夏爲澤。

灘沮會同。灘沮二水名。會同。合而一也。桑土既蠶。

是降丘宅土。蠶性惡濕。水退而後桑土可蠶。究地

宜桑。後世之濮上桑間可驗。究地卑。水害時。民依

丘陵爲居。至是始得下居平地。厥土黑墳。厥艸惟

絲。厥木惟條。墳。上脉墳起。絲。茂條。長也。厥田惟中。



下。厥賦貞。作十有三載。乃同。田第六等。賦第九等。

貞。正也。充賦薄。言君天下者。以薄賦爲正。充被水

尤劇。今水患雖平。而卑濕沮洳。未必盡去。十三載

賦同他州。

厥貢漆絲。厥篚織文。充宜漆宜桑。故貢

漆絲。篚。竹器。織文。非一色。錦綺之屬也。有貢又有

篚。貢物入於篚也。

浮於濟。漂於河。帝都冀都。三

面距河。充之貢賦達河。則達帝都矣。

海岱惟青州。

青州之域。東至北海。西南距岱。

嶠夷既

青州貢



略。岬夷。今登州。畧為之封畛也。維淄其道。維淄二

水。其道。水循其道也。上言既道。禹為之道。此言泛

濫既去。水得故道。厥土。白墳。海濱。廣斥。海涯之地。

廣漠而斥鹵。厥田。惟上下。厥賦。中上。田第三。賦第

四也。厥貢。鹽。絺。海物。惟錯。岱。畎。絲。枲。鉛。松。怪。石。萊

夷。作牧。厥篚。檿。絲。鹽。斥地所出。絺。細葛。畎。谷也。岱

山之谷。作牧者言可收放。夷人以畜牧為生。檿山

桑。其絲堅韌。中琴瑟之絃。浮於汶。達於濟。不言達

浮於汶。達於濟。

不言達



徐州貢

河者。因於究也。

海岱及淮。惟徐州。徐州之域。東至海。南至淮。北至岱。

西不言濟。岱之陽。濟東為徐。岱之北。濟東為青。言

濟不足。以辨。故畧之也。淮沂其入。淮沂二水。徐之

川。莫大於淮。又。則自泗而下可知。徐之浸莫大

於沂。沂入。則自沐而下可知。蒙羽其藝。蒙羽二山。

藝者。言可種。藝。大野既豬。大野澤名。水蓄而後流。

謂之豬。東原底平。東原。漢東平國。底平者。水患已



去。厥土赤埴墳。草木漸包。土黏曰埴。土性黏膩細

密。故可埴埴為器。漸包。進長叢生也。厥田惟上中。

厥賦中中。田第二等。賦第五等。厥貢惟土五色。羽

畎。夏翟。嶧陽孤桐。泗濱浮磬。淮夷蠙珠暨魚。厥篚

玄纈。縞。徐土雖赤。而五色之土間有之。故制以為

貢。羽畎。羽山之谷。夏翟。雉具五色。羽中旌旄。孤相

材中琴瑟。浮磬。石露水濱。若浮於水焉。不謂之石。

成磬而後貢也。纈。縞。皆繒也。各有所產之地。非他



揚州貢

處所有。故詳其地而使貢。浮於淮。泗。達於河。河之  
上源自涕。亦可以通河也。

淮海。惟揚州。揚州之域。北至淮。東南至於海。彭蠡既

豬。彭蠡。鄱陽湖也。陽鳥攸居。陽鳥。隨陽之鳥。鴈也。

澤水既豬。洲渚既平。禽鳥亦得其居止。三江既入。

松江下七里。分流東北入海者。為婁江。東南流者

為東江。併松江為三江。震澤底定。具區之水多震

而難定。底定。不震蕩也。篠簜既敷。厥草惟夭。厥木



惟喬。厥土惟塗泥。篠箭竹。蕩大竹。敷布也。水去竹

已布生。少長曰夭。喬高也。塗泥下地多水。其上淖

厥田惟下。厥賦下上錯。田第九等。賦第七等。

雜出第六等也。

厥貢惟金三品。瑶琨。篠蕩。葛革羽。

毛。惟木。島夷卉服。厥篚織貝。厥包橘柚。錫貢三品。

金銀銅。瑤琨玉石名。可為禮器。篠材中夭之苒。蕩

材中樂之管。葛革成車甲。羽毛飾旌旄。卉服。葛越

木綿之屬。織貝錦名。包裹也。橘小抽大。錫者待錫。



命而貢。非歲貢之常。

沿於江海。達於淮泗。順流而

下曰公。

荆貢

荆及衡陽。惟荊州。荊州之域。北距南條。荆山。南盡衡

山之陽。江漢朝宗於海。水道已安。勢已奔趨於海。

猶諸侯之朝宗於王。九江孔殷。九江。今之洞庭九

江水道。甚得其正也。沱潛既道。江出為沱。漢出為

潛。雲土。夢作人。雲。夢。澤名。雲土者。雲之地。土見而

已。夢作人者。夢之地。已。可耕治也。蓋雲夢之澤。地



勢有高卑故水落有先後人工有蚤晚也  
厥土惟

塗泥厥田惟下中厥賦上下  
荆揚土同故田比揚

只如一等而賦爲第三等者地濶而人工修也  
厥

貢羽毛齒革惟金三品  
杻幹栝栢礪砥砮丹惟菌

簞栝三邦底貢厥名  
包匭菁茅厥篚玄纁璣組九

江納錫大龜  
荆貢與揚貢多同杻木似栲可以爲

弓榦栝木栢葉松身  
砮細密礪麤糯皆磨石砮中

矢鏃之用丹砂  
箇簞竹名栝木皆爲矢匭匣也



豫州貢

菁茅有刺三脊。供祭縮酒。既包而匭。示歆也。大  
龜尺有二寸。非可常得。不入常貢。若偶得之。使之  
納錫於上。浮於江。沱潛漢。逾於洛。至於河南。踰越  
也。漢與洛不通。故舍舟而陸。以達於洛。而至於南  
河。

荊河。惟豫州。豫州之域。西南至南條。荆山。北距八河。  
伊洛瀍澗。既入於河。伊水東北至洛陽縣。南北入  
於洛。四水不相合。而各入河者。犹漢入江。江入海。



而荊州言江漢朝宗於海意同。四水並流。小大相

敵故也。

滎波既豬

潛行絕河南。溢為滎。自洛出為

波。導荷澤。被孟豬。

荷澤。濟水所經。被及也。孟豬。孟

諸澤是也。

厥土惟壤。下土墳壚。

土不言色。其色雜

也。玄而疏者謂之壚。

厥田惟中上。厥賦錯上中。

田

第四等賦第二等。雜出第一等也。

厥貢漆。象。絺。紵。

厥篚織纊。錫貢磬錯。

纊。細綿。磬錯。沿磬之錯。揚非

常用。必待錫命而後納。

浮於洛。達於河。

豫州去帝



梁州貢

都最近。豫之東境。徑自入河。豫之西境。則浮洛而達河也。

華陽黑水。惟梁州之境。東距華山之南。西據黑

水。岷嶓。既藝。水去不滯。岷嶓二山。已可種藝。沱潛

既道。此江漢別流之在梁州者。蔡蒙旅平。蔡蒙二

山。旅平。功畢而旅祭。和夷底績。巖道以西。有和川。

有夷道。厥土青黎。黎黑色。厥田惟下上。厥賦下中。

三錯。田第七等。賦第八等。雜出第七第九等也。厥



貢。璆。鐵。銀。鏤。砮。磬。熊。羆。狐狸。織。皮。璆。玉。磬。鐵。柔。鐵。  
鏤。剛。鐵。可以刺鏤者。磬。石。磬。織。皮。者。山。獸。之。皮。製  
之。可以為裘。毳。毛。織。之。可以為罽也。西。傾。因。桓。是  
來。浮。於。潛。逾。於。沔。入。於。渭。亂。於。河。西。傾。山。名。桓。水  
名。絕。河。而。渡。曰。亂。

黑。水。西。河。惟。雍。州。雍。州。之。域。西。據。黑。水。東。距。西。河。謂  
之。西。河。者。主。冀。都。而。言。也。弱。水。既。西。弱。水。龍。漢。無  
力。不。能。負。芥。涇。屬。渭。汭。涇。渭。汭。三。水。名。屬。連。也。漆。



沮。既從。漆沮。二水名。既從者。從於渭也。澧水攸同。

澧水出扶風鄠縣終南山。東至咸陽入渭。同者同。

於渭也。荆岐既旅。終南惇物。至於鳥鼠。荆岐。二山

名。惇物。在扶風武功縣。鳥鼠在隴西首陽縣。舉三

山而不言所治者。蒙上既旅之文也。原隰底績。至

於豬野。治水成功。自禹而下。故先言山。次原隰。次

陂澤也。

三危既宅。三苗丕叙。三苗已既可居。三苗

於是大有功叙。厥土惟黃壤。黃土。正色。雍土黃壤。



其田非他州所及。厥田惟上上。厥賦中中。田第一等。而賦第六等者。地狹而人功少也。厥貢惟球琳琅玕。球琳美玉。琅玕石似珠者。浮於積石。至於龍門。西河會於渭汭。雍之貢道有二。東北境自積石至於西河。西南境則會於渭汭。織皮。毘倫。析枝。渠搜。西戎。即叙。三國皆貢皮衣。故以織皮冠之。皆西方戎落。故以西戎總之。

孫鑛曰。以上分九州平叙。以下就水路串叙。亦是



一方一員法。前半子虛所祖。後半上林所祖。有北  
西南三嶽。而無嵩岱兩嶽。想以地高阜。治水不由  
故。

導所及岐。至於荆山。逾於河。壺口雷首。至於太岳。底  
柱析城。至於王屋。太行恒山。至於碣石。入於海。此  
下隨山也。禹之治水。隨山利木。所表識諸山之名。  
必其高大可辨疆域。廣博可奠民居。故謹而書之。  
以見施功之次第。○此北條大河北境之山也。西



孫鑛曰。弱水往西行。不入中國。黑水南行。亦然。

傾朱圉鳥鼠。至於太華。熊耳。外方。桐栢。至於陪尾。

此北條也。河南境之山也。

導。潘冢。至於荆山。內方。

至於大別。此南條江漢北境之山也。○山形如冢。

故謂之嶠。

岷山之陽。至於衡山。過九江。至於敷淺。

源。此南條江漢南境之山也。導。弱水。至於合黎。餘。

波。入於流沙。此下濬也。山水皆原於西北。故禹。

叙山叙水。皆自西北而東南。導。黑水。至於三危。入。

於南海。導。河。積石。至於龍門。南至於華陰。東至於。



底柱。又東至於孟津。東過洛汭。至於大伾。北過洛水。至於大陸。又北播爲九河。同爲逆河。入於海。河上播而爲九。下同而爲一。其分播合同。皆水勢之自然。禹特順而導之耳。

嶠冢導漾。東流爲漢。又東

爲滄浪之水。過三澨。至於大別。南入於江。東匯澤爲彭蠡。東爲北江。入於海。水之經歷。隨地得名。謂

之爲者。明非他水也。

岷山導江。東別爲沱。又東至

於澧。過九江。至於東陵。東迤北。會爲匯。東爲中江。



孫鑛曰。四  
瀆有漢。則  
濟并入河。  
有濟。則漢  
并入江。惟  
淮徑入海。  
然其流不  
長。故以言  
水之大者。  
曰江河。

水經

卷一

一

入於海。沱江之別流於梁者也。雖言道言會者。水

也。言至者。或山或澤也。導沆水。東流為濟。入於河。

溢為滎。東出於陶丘北。又東至於荷。又東北會於

汶。又北東入於海。流水。濟水也。發源為沱。既東為

濟。濟水歷鄆公臺西南入於河。溢滿也。復出河之

南。溢而為滎。濟水極下。勁疾能入河穴。地流注蹶

伏。導淮自桐栢。東會於泗沂。東入於海。淮水出南

陽平氏縣。胎簪山。禹只是桐栢真之耳。導渭自鳥

導渭自鳥



鳥鼠共  
雌雄同穴  
而處此以  
名山

鼠同穴。東會於澧。又東會於涇。又東過漆沮。入於  
河。謂水出南谷山。在鳥鼠山西北。禹只是鳥鼠同  
穴。導之耳。導洛自熊耳。東北會於澗瀍。又東會於  
伊。又東北入於河。洛水出冢嶺山。禹只是熊耳導  
之耳。九州攸同。四隩既宅。九山刊旅。九川滌源。九  
澤既陂。四海會同。摠結九州四海。水土無不平治  
也。六府孔修。庶土交正。底慎財賦。咸則三壤。成賦  
中邦。水火金木土穀。六者大治。土者財之自生。度



孫鑛曰。前  
叙水土事  
已盡矣。復  
出五服。亦  
是一負一  
方法。

土不止穀土矣。土賊或及於四竟。田賦則止於中  
邦。故曰成賦中邦。錫土姓。錫土立國。錫姓立宗。祇  
台德先。不距朕行。水土平。田賦定。諸侯建。治功成。  
此時惟敬德以先天下。則天下自不能違越我之  
所行也。五百里甸。服百里賦納總。二百里納經。三  
百納結。服四百里粟。五百里米。甸服。畿內地。王城  
之外。四面皆五百里。蓋量其地之遠近。而為納賦  
之輕重精粗也。此分甸服五百里而為五等也。五



內五百里  
外二百里

百里侯。服百里采。二百里男邦。三百里諸侯。侯服。

甸服外四面。又各五百里。此分侯服五百里而為

三等也。

五百里綏服。三百里揆文教。二百里奮武

衛。漸遠王畿。取撫安之義。曰綏。侯服外四面。又各

五百里。此分綏服五百里而為二等也。

五百里要

服。三百里采。二百里蔡。

要服去王畿已遠。皆夷狄

之地。綏服外四面。又各五百里。此分要服五百里

而為二等也。

五百里蠻。三百里蠻。二百里流。荒



服去王畿益遠。要服外四面又各五百里。此分荒  
服五百里而爲二等也。東漸於海。西被於流沙。朔  
南暨聲教訖於四海。禹錫玄圭。告厥成功。振舉於  
此。而遠者聞焉。謂之聲。執範於此。而遠者效焉。謂  
之教。上言五服之制。此言聲教所及。蓋法制有限  
而。教化無窮也。水土既平。禹以玄圭爲贄。告成功  
於舜也。

孫鑛曰。就本色鍛鍊。無浮語。中間山川原野。上田



艸木貢賦等。錯見雜出。不拘板。又間插以奇字。隋  
句。總讀之。遂覺勢態橫溢。以其寔也。故愈玩愈有  
味。真是無上神品。

吳弘基曰。初禹治水。隨山濬川。雲華夫人往陰相  
之。禹駐巫山之下。大風卒至。崖谷振擗。力不可制。  
遇雲華夫人。拜而求助。夫人受禹策。召鬼神。之書。  
因命其神狂章。虞餘黃。靡大翳。庚辰童律。巨靈神  
等。助其斬石。疏波。決塞。填阨。言出玉虛子。



金堡曰。今日讀禹貢。與古大不侔矣。然貢賦不同。山川不改。明明禹德。天下佩之。忍怠也哉。○又曰。學士不知四方分寸。輒高談域外。詰以物產珍錯。則又昏昏莫辨。禹貢數千言。固知爲學士必備之觀也。

禹貢終



史拾衆斷

希通錄

小序

盟誓

坑儒

居士

東道主

老物



希通錄

目錄

希通錄目終



史拾衆斷 希通錄

宋 蕭 叅 明 朱日曜訂閱

書名曰希通者。蓋取范甯云。雖我之所是。理未全當。安可以得當之難。而自絕於希通哉。嘉定癸未通岩居士識

盟誓

誓誥盟詛切切然恐其下之不我信。至於假天地神明以誘之。亦甚費力矣。知光宗時都俞吁咈四字成



就○天○下○無○限○大○事○二○典○三○謨○寂○寥○簡○短○則○知○未○施○信○  
于○民○而○民○信○信○盛○德○不○可○及○此○

坑儒

李○斯○曰○非○博○士○官○所○職○天○下○有○敢○藏○詩○書○百○家○語○者○  
皆○詣○中○尉○雜○燒○之○則○是○天○下○之○書○雖○焚○而○博○士○官○猶○  
有○存○者○惜○乎○八○閔○收○圖○籍○而○不○及○此○竟○為○楚○人○一○炬○  
耳○前○輩○嘗○論○之○但○坑○儒○一○事○未○有○究○極○之○者○僕○按○史○  
書○所○坑○特○侯○生○盧○生○四○百○六○十○餘○人○非○能○盡○坑○天○下○



儒者爲其所坑。又非儒者何以知之。始皇三十二年。使盧生求羨門。刻碣石門。壞城郭。決通隄防。又盧生入海還。因奏錄圖書曰。亡秦者胡也。始皇乃遣蒙恬發兵三十萬北伐匈奴。起臨洮。築遼水。又盧生說始皇曰。日方中人主時爲微行。以避惡鬼。惡鬼避真人。至願上所居宮。毋令人知。然後不死之藥始可得也。其後建阿房宮。千間萬落。必自此言發之。觀此二事。皆盧生等稔其惡。又從史之持方技之派耳。豈所謂。



儒者哉。始皇因封禪之議，謗口紛紛，已懷殺意。及其一怒而坑之，或者天理之不容，方其求藥海上也，則挾童男童女以行，皆取於民間，奪其無告之孤，肆厥不軌之狀。如今所謂妖教，其中死無辜者多矣。此一罪也。因亡胡之讖，興北伐之師，築長城，斷地脈，北生靈，因是役而死者不可勝算，骸積如山，血流成川，調發頻仍，剝及閭左，原始要終，誰生厲階，此二罪也。獻避鬼之術，覲真人之來，咸陽宮觀，二百七十複道。



相連有言其所幸之處者罪死梁山之上其語一泄  
時在旁者盡殺之自是莫知上之所在此三罪也有  
一於此罪不容於死况兼有之以四百六十餘人之  
坑償萬民之命良不為過天網恢恢疎而不漏真可  
畏哉。始皇曰盧生等吾尊賜之甚厚今乃誹謗我諸  
生在咸陽者吾使廉問或為妖言以亂黔首於是使  
御史按問諸生傳相告引僕亦信盧生非吾儒中人  
况始皇自謂尊賜甚厚豈非如前三者方術圖讖之



類有以中其欲歟。尊賜之初不名其誦孔子之言。以進古今相承。皆曰坑儒。蓋惑于扶蘇之諫。扶蘇曰。諸生皆誦法孔子。皇上皆重法繩之。臣恐天下不安。嗚呼。若盧生者。何嘗誦法孔子。自扶蘇一言之誤。使儒者蒙不韙之名。自我一洗。亦萬世之快也。不然。若兩生四皓伏生之流。鴻飛冥冥。弋人何慕。肯搖舌鼓吻。自投於陷穽哉。僕故曰。盧生四百六十餘人。皆方伎之士也。天下之大。所謂儒者。固不止此。其坑之者。此



而已矣。矣。有道之士。秦不能坑。火德一炎。兩生以講禮。  
聞。四皓以羽翼之功。聞。伏生以口授古書聞。豈非天。  
寄其祿。留此數公。以見吾儒不可磨滅。而明奸惡小。  
人終不能爲常久計。商君以變法禍秦。竟連車裂。盧。  
生等以方技禍秦。坑於咸陽。其罪等也。天其或者假。  
手於秦歟。商君裂矣。盧生坑矣。而秦以不祀。抑自相。  
擠陷之明報。而禍淫之道。爲不偏矣。僕甚惡坑儒之。  
名。故論其顛末云。



吳弘基曰。坑儒一案。鮮不為措大寃之。為始皇恨之。得此博洽之言。證據洗發。可謂幸矣。然反為秦始除一罪條。柰何。

居士

本朝以居士稱者實繁。即孟子所謂處士也。六經中惟禮記玉藻有曰。居士錦帶。注道藝處士也。居士之稱。昉乎此。

東道主



左傳燭之武見秦伯曰。若舍鄭以為東道主。史記鄭  
使謂秦穆曰。君何不解鄭得為東道。後漢彭寵傳以  
一身從我。不如以一代為北道主人。今世專以主人  
為東道。古人各指其地之所向而言之。

### 老物

俗斥于長者為老物。實非惡語。人亦物也。故曰人物。  
況六經中已有之。周禮籥祭章蜡以息老物。



布通錄終



史拾衆斷

叢文

經原

暇錄闕名

五帝非官天下

宋吳枋野乘

辛壬癸甲

魚明書

三代世表

漢褚少孫答張夫子

王會

周書

周公用天子禮樂

明楊慎丹鉛樞錄



夏小正 闕名

時訓 周書

潮汐 宋王清臣揮塵錄

本命 家語

觀鄉射 家語

五儀 家語

置閏 家語

濡行 家語



孟子與孟嘗君同時 宋吳枋野乘

先子先君先人 宋吳枋野乘

屈原 唐沈亞之

騷篇 宋孔仲平

辨騷 宋孔仲平

古文字通稱 宋孔仲平

帝謚 蔡邕獨斷

叢文目 終



三才圖會

卷之四

二





史拾衆斷叢文

明

仁和

吳弘基

盛

朝

全集

經原

暇錄闕名

帝王世紀曰庖犧氏作八卦神農重之為六十四卦  
黃帝堯舜引而伸之分為三易至夏人因炎帝曰連  
山殷人因黃帝曰歸藏文王廣六十四卦著九之爻  
曰周易王弼虞翻韓康伯孔穎達及淮南子皆云伏



犧已重為六十四卦。乾鑿度亦曰庖犧氏畫為六十  
四卦。文王作文辭。周公作彖辭。鄭氏則曰神農重卦。  
蓋本世紀之言。司馬遷揚雄言文王重之。非是。辭曰  
八卦成列。象在其中。因時重之。爻在其中。昧其文義。  
為伏羲分曉。觀十三卦制作。其重卦名皆文王前。如  
神農耒耜之教。蓋取諸益之類。昭然可證。至於卦辭。  
則作於文王。爻辭作於周公。馬融釋經。陸續序太玄。  
及弼並依此說。若以爻辭為文王。則辭爻文王後事。



明夷六五。可見韓宣子聘魯。見易象。乃嘆周公之德。則爻辭為周公作矣。孔子十翼。乃上下象。上繫言說卦序卦雜卦。班固亦云。十翼作於孔子。或疑春秋傳穆姜之筮。得文言。是時未有孔子。安得孔子作。或曰。此左氏之繆。或曰。古有是語。孔子用之。

孟子春秋天子之事。葉石林謂春秋不特天子之事。乃天之事也。蓋天子僅可賞罰一時之諸侯卿大夫。時王之得失。諸得而治之。故曰春秋為天子之事。天



陳仁錫曰  
聖人據事  
直書令當  
時無獲麟  
之事筆亦  
未飽豈配  
擬如此物  
失之鑿洵  
矣

有四時。賞以春夏。刑以秋冬。既因魯史之舊。每年必  
書春夏秋冬。石林謂自隱至哀。凡十二公。以象天之  
十二月。謂十二為天之天數是矣。但以二百四十二  
年。象天之二十四氣。則失之鑿。春秋惟桓公以不義  
得國。經於四年七年。闕秋冬。十四年十七年。或書夏。  
不書月。或書月。不書夏。桓公惟元年二年十年十八  
年。書王。餘並不書王。以著桓之不知有王。然桓之薨。  
王乃使榮叔錫之命。此為不當。故春秋王不書天。削。



天字以示貶其餘如書求金求車之類直書而不慙  
深時王之失此非天子之事而何

平王東遷而雅亡齊桓霸而王風亡楚莊霸而諸侯  
國之風皆亡讀隱公之春秋見王迹熄而天下爲五  
霸矣讀定哀之春秋見霸迹熄而天下爲戰國也呂  
東萊云春秋之時堯舜禹湯文武之澤幾絕而僅存  
戰國秦漢之風方生而未艾此正是世爰接頭處  
夫子定書乃以秦誓繼於帝王百篇之後其或繼周



者百世可知也。夫子固已知周必秦矣。


周禮儀禮並周公作。儀禮三百。即周禮威儀三千。即儀禮。周禮遭秦藏於山岩屋壁。得不亡。漢武帝時有季氏者獲之。以上河間獻王獨缺冬官。千金訪求不得。補於考工記。奏上祕省。時儒以爲非。是不行。即藝文志周經六篇是也。至劉歆始識以爲太平之迹。乃立學官。在三禮中。最晚出。康成注。

孫鑠曰。讀經史不可無此細心。層層剝剝。聖人制。



又義例可以釋然矣。







五帝非官天下

宋吳枋野乘

說苑載鮑白令之對始皇曰天下官則讓賢家則世繼故曰五帝以天下爲官三王以天下爲家今觀帝王世紀云黃帝次妃女節生少昊則少昊乃黃帝子也是傳位與子自黃帝始而非起於夏禹家語五帝德及書序注史顓帝紀并通曆皆云顓帝爲昌意子則亦黃帝孫也是少昊傳位於姪史記家語皆云帝嚳祖元囂父蟜極又高辛紀注書序注與帝王世紀



載譽爲黃帝曾孫則顓帝傳位與從姪大戴禮并史  
記云帝嚳下妃生摯則高辛又傳位於子高辛次妃  
慶帝生堯則摯又傳位與弟史記并舜典疏以舜爲  
黃帝八代孫則堯傳位與五世姪孫前漢律曆志載  
顓帝五世生鯀則舜傳位與六世祖之從兄弟如是  
則五帝亦可謂之家天下今邇五帝之上而觀之禮  
記注云女媧承伏羲而淮南子覽冥訓注古天子姓  
風則亦伏羲之子孫也禮記國語皆云炎帝少典之



予而家語與史記云黃帝有熊國君少典之裔子國  
語又云黃帝炎帝之弟則二君同是少典之子以此  
而觀家天下之制其來遠矣。或曰夏之十七君皆  
姓姁商之三十君皆姓子周之三十七君皆姓姬非  
如五帝之異姓曰不然五帝之時世變不同人各自  
為一姓故黃帝姓公孫而少昊黃帝子也改姓己顓  
帝亦黃帝孫也乃姓姬堯寄於伊長孺家從母所居  
故姓伊耆舜生姚墟故姓姚稷契與堯同父兄弟也



而稷姓姬。契以簡狄吞玄鳥卵而生。故姓子。若以異姓而論。謂皇帝與少昊。非父子。而堯與稷。契。非同父之兄弟可乎。或曰。家以傳子。今五帝獨黃帝高辛傳位於子。少昊顓帝皆與姪而摯。則與弟。蓋已非傳子矣。堯傳之曾孫。而舜又傳之。同六世祖之從兄弟。服紀尤爲差遠。曰不然。長子考監明既以罪死。而放齊固嘗薦次子朱啓明矣。堯未嘗不欲傳之子。奈何朱之不肖。不足以嗣位。堯則擇同宗之姪孫而授。



之舜亦不敢遽然以爲君而猶避朱於南河舜亦未  
嘗不欲傳之子奈何商均之不肖不能以繼緒舜則  
擇同宗之從兄弟而傳之禹亦不敢昌然以爲君猶  
避商均於陽城堯舜豈以異族而授之天下哉○且  
如商之外而傳弟仲壬仲壬傳姪太甲太甲傳弟雍  
已祖辛傳弟沃甲沃甲傳姪祖丁祖丁傳堂弟南庚  
南庚傳堂弟陽甲祖庚傳弟祖甲廩辛傳弟庚丁而  
周懿王傳弟孝王康王傳弟定王則商周亦有傳弟



姪者。其後如漢惠帝傳弟文帝。昭帝傳姪孫宣帝。成  
帝傳姪哀帝。哀帝傳從弟平帝。東海陽帝傳堂兄安  
帝。若冲帝傳質帝。則同高祖之從兄弟。質帝傳桓帝。  
則又同五世祖之從姪比之舜禹。蓋無異也。○且以  
祭法觀之。周則祖文而宗武。商則祖契而宗湯。夏則  
祖顓帝而宗禹。而舜則祖顓帝而宗堯。若舜爲異姓  
之國。奚必宗堯哉。蓋曰弟曰姪曰姪孫。既皆吾之族  
屬。而謂之非家天下不可也。



孫鑛曰。千。年。隔。緒。心。手。了。然。如。此。明。快。的。是。史。才。



史記卷之四

卷之二



辛壬癸甲 無明書

史記云禹辛日娶妻甲日生啓。明曰司馬遷約尚書之文而爲史記其於經義多不精詳。按虞書益稷篇云予創若時娶於塗山辛壬癸甲啓呱呱而泣予弗子惟荒度土功。孔安國曰禹言我慊丹朱之惡如此。故辛日娶塗山氏之女甲日復往治水復往之後而啓生焉。啓生之後或從東往西或從南徂北經過其門聞啓泣聲而不暇入子愛於啓以其水災未去唯



大度水土之功故也。而禹還以塗山之女聘禹之後。  
四日之內而生啓。故聞其呱呱泣聲而不入愛子。其  
不迎人。情一至於此。且禹所以言此者。以已勤於治  
水而不顧其家。不私其子。所以能成大功耳。若禹還  
之意。是禹疑其妻而惡其子。何勤勞之有焉。

陳仁錫曰。辯得詳雅。曉人不當如是耶。



三代世表

漢褚少孫答張夫子問

張夫子問褚先生曰。詩言契后稷皆無父而生。今案諸傳記咸言有父。父皆黃帝子也。得無與詩謬乎。褚先生曰。不然。詩言契生於卵。后稷人迹者。欲見其有天命精誠之意耳。鬼神不能自成。須人而生。柰何無父而生乎。一言有父。一言無父。信以傳信。疑以傳疑。故兩言之。堯知契稷皆賢人。天之所生。故封之。契七十里。後十餘世至湯王天下。堯知后稷子孫之後王



也。故益封之百里。其後世且千歲。至文王而有天下。  
詩傳曰：湯之先爲契，無父而王。契母與姊妹浴於玄  
丘水，有燕銜卵墮之，契母得故含之，誤吞之，即生契。  
契生而賢，堯立爲司徒，姓之曰子氏。子者茲茲，益大  
也。詩人美而頌之曰：殷社芒芒，天命玄鳥，降而生商。  
商者質，殷號也。文王之先爲后稷，后稷亦無父而生。  
后稷母爲姜嫄，出見大人蹟而履踐之，知於身，則生  
后稷。姜嫄以爲無父，賤而棄之道中，羊牛避不踐也。



抱之山中山者養之又捐之大澤鳥覆席食之姜嫄  
怪之於是知其天子乃取長之堯知其賢才立以為  
大農姓之曰姬氏姬者本也詩人美而頌之曰厥初  
生民深修益成而適后稷之始也孔子曰昔者堯命  
契為子氏為有湯也命后稷為姬氏為有文王也大  
王命季歷明天瑞也太伯之吳遂生源也天命難言  
非聖人莫能見舜禹契后稷皆黃帝子孫也黃帝策  
天命而治天下德澤深後世故其子孫皆復立為天



于是天之報有德也。人不知，以爲記。從布衣匹夫起耳。夫布衣匹夫，安能無故而起王天下乎？其有天命然。黃帝後世，何王天下之久遠邪？曰：傳云：天下之君王，爲萬夫之黔首，請贖民之命者，帝有福萬世。黃帝是也。五政明，則修禮義，因天時，舉兵征伐而利者，王有福千世。蜀王黃帝後世也。至今在漢西南五千里，常來朝，降輪獻於漢，非以其先之有德澤流後世邪？行道德，豈可以忽乎哉？人君王者，舉而觀之。漢大將



軍霍子孟名光者。亦黃帝後世也。此可爲博聞遠見者言。固難爲淺聞者說也。何以言之。古諸侯以國爲姓。霍者國名也。武王封弟叔處於霍。後世晉獻公滅霍。公後世爲庶民。往來居平陽。平陽在河東。河東晉地。分爲魏國。以詩言之。亦可爲周世。周起后稷。后稷無父而生。以三代世傳言之。后稷有父名高辛。高辛黃帝曾孫。黃帝終始傳曰。漢興百有餘年。有人不短。不長。出自燕之鄉。持天下之政。時有嬰兒主。卻行車。



霍將軍者本居平陽。自燕王為郎時。與方士考功會。旗亭下。為臣言。豈不偉哉。

鍾惺曰。淵源細密。史學之精明者。



王會 周書

成周之會。埤上張赤。弈陰羽。天子南面立。纁無繁露。朝服八十物。楮挺。唐叔荀叔。周公在左。太公望在右。皆纁。亦無繁露。朝服七十物。楮笏。旁天子而立于堂上。堂下之右。唐公虞公南面立。馬堂下之左。殷公立。馬皆南面。纁有繁露。朝服五十物。皆楮笏。為諸侯之有疾病者。阼階之南。祝雒氏。榮氏次之。皆西南。彌宗旁之。為諸侯有疾病者之醫藥所居。相者太史魚太

按魚太史  
名及大行



人皆贊相  
賓客礼仪

要服于此  
眼轉遠故  
殊其名非  
夷狄之四  
荒也

孫鑛曰雖  
不用而設  
之敬諸侯  
也

行人皆朝服有繁露堂下之東面郭叔掌為天子萊  
幣馬纁有繁露內臺西面者正北方應侯曹叔伯舅  
中舅比服次之要服次之荒服次之西方東面正北  
方伯父中子次之方千里之外為比服方千里之內  
為要服三千里之內為荒服是皆朝於內者堂後東  
北為赤舂馬浴盆在其中其西天子車立馬乘亦青  
陰羽鳧旌中臺之外其右泰士臺右弥士受贊者八  
人東面者四人陳幣當外臺天玄歆宗馬十二三玄



繚碧基十二參方玄繚壁豹虎皮十二四方玄繚壁  
琰十二外臺之四隅張赤弁為諸侯欲息者皆息焉  
命之曰交閭周公旦主東方所之青馬黑歆謂之母  
兒其守營牆者衣青操弓執矛西面者正北方稷慎  
大麀穢人前兒前兒若狝猴立行聲似小兒良夷在  
子在子口身人首脂其腹灸之霍則鳴曰在子揚州  
禺：魚名解隃冠發人鹿：者若鹿迅走俞人雖馬  
青丘狐九尾周頭輝絃輝絃者羊也黑莖白鹿白馬



白民乘黃。乘黃者似麒麟。皆有兩角。東越海。歐人蟬  
蛇。蟬蛇順食之美。始於越。納口姊妹。珎且歐文。蜃若  
人。玄貝。海陽大。蠟。自深桂。會稽以。鰲。皆西嚮。正北方  
義渠以茲。白。茲。白者若白馬。鋸牙食虎豹。史林以尊  
耳。尊耳者身若虎。尾長三尺。其身食虎豹。北唐戎以  
閭閻。以喻冠。渠叟以鼯。犬鼯犬者露犬也。能飛食虎  
豹。樓煩以星。施星施者珥旄。十盧以牛。者牛之小  
者也。區陽以鼈。封者若虎。前後有首。規矩以麟。者



其堅若鑲  
色黑面光  
其生火中

獸也。西申以鳳鳥。鳳鳥者戴仁抱義。拔信歸有德。丘  
羨鸞鳥。巴人以比翼鳥。方揚以皇鳥。蜀人以文。翰文  
翰者若皋雞。方人以孔鳥。卜人以丹沙夷。用閭采康  
民以桴鼓者。其實如茅。食之宜子。州靡費費。其形人  
身。技踵自笑。笑則上唇翕。其目食人。北方謂之吐嚙。  
都郭生生。若黃狗。人面能言。奇幹善芳。善芳者頭若  
雄雞。佩之令人不昧。皆東鸞。北方臺止。東高夷。噉羊。  
噉羊者羊而四角。獨鹿叩叩。距虛善走也。孤竹距虛。



管草堅惑

吳弘基曰  
小東一句

不令支玄模不屠何青龍東胡黃黑山戎菽其西般  
吾白虎胥州黑豹禹氏駒駝大夏茲白牛犬戎文馬  
而赤鬣縞身目若黃金名古黃之乘數楚每牛每牛  
者牛之小者也勾奴殺犬殺犬者巨身四尺果皆北  
嚮權扶三目白州北閭北閭者其革若于伐其木以  
爲車終行不敗會人管路人大竹長沙鼈其西魚復  
鼓鐘鐘牛蠻揚之翟倉五翡翠翡翠者所以取羽其  
餘皆可。知。自。古。之。政。南。人。至。衆。皆。北。嚮。伊。尹。朝。獻。商。



簡而備  
先秦文錄  
錄之妙

符婁以下  
十者東夷  
一越之稱  
陸鄧以下  
六者南二  
列名崑崙  
以下九者  
西戎列名  
空同以下  
十二者北

書不周錄中以事類來附湯問伊尹曰諸侯來獻或  
無馬牛之所生而獻遠方之物事實相反不利今吾  
欲因其地勢所有獻之必易得而不貴其為四方獻  
令伊尹受命於是為四方令曰臣請正東符婁仇州  
伊慮漚深九夷十蠻越漚鬻文身請令以魚支之鞞  
口鯁之醬鮫鼈利劍為獻正南甌鄧桂國損子產里  
百濮九茵請令以珠璣瑇瑁象齒文犀翠羽菌鶴短  
狗為獻正西崑崙狗國鬼親枳已闌耳貫胸雕題離



五漆齒請令以丹青白旄紉罽江歷龍角神龜爲獻  
正北空同大夏莎車姑他旦峇貊胡戎翟匈奴樓煩  
月氏蠡犁其龍東胡請令以橐駝玉野馬駒騊駼  
良弓爲獻湯曰善

箋云陰鶴也繁露冕之所垂王之玄纁謂之黑組  
紐之基參方陳幣三所瑩皮兼陳也稷慎肅慎也  
穢人東夷別種良夷樂狼之夷發人亦東夷俞人  
北夷青丘周頭俱海東白民南夷歐人東越姑妹



屬越。且歐在越。若人吳越之蠻。海水之陽。一蠻。盈  
車。自深南蠻。史林西南戎。北唐西北戎。渠史西戎。  
樓煩北戎。十盧西北戎。區陽。規矩。西中。皆戎也。丘  
羌。丘地之羌。巴人在南方。揚方人。戎名。卜人。西南  
蠻。康亦西戎。都郭生。北狄二名。奇幹。北狄。高夷。  
東北夷。獨鹿。西方戎。不令支。不屠何。山戎。東北夷。  
般吾。北狄。屠州。狄之別也。禺氏。大夏。西北戎。犬戎。  
西戎。遠者。數楚。白戎。北戎。權扶。南蠻。形甚小。白州。



東南蠻禽人路人東蠻魚復南蠻倉吾亦蠻也  
吳弘基曰布境森峙叙致廓落繁簡相御俱以神  
行經之偉闊幽秀者子史未易以擬也。韓昌黎  
畫馬記先輩謂學考工似此更爲畫馬藍本較近



周公用天子禮樂

明楊慎丹鉛總錄

孫鑛曰論  
符斬截無  
宋人氣

禮記明堂位曰成王以周公有勲勞於天下命魯公  
世祀周公以天子禮樂漢儒魯頌閟宮傳遂錄此以  
解皇皇上帝皇祖后稷之文宋儒程子曰周公之功  
固大矣然皆臣子之分所當爲魯安得獨用天子之  
禮樂哉成王之賜伯禽之受皆非也其論正矣其事  
則未之詳考也魯用天子禮樂魯之末世失禮也非  
始於成王伯禽明堂位之作周末陋儒之失辭也不



吳弘基曰  
詳瞻委折  
是呂東萊  
一疏議論

可以誣成王伯禽自漢儒傳會之太過宋儒考寃之  
不精使成王伯禽受誣於千載之下寃矣哉昔成王  
命君陳拳拳以遵周公之猷訓爲言猷訓之大無大  
於上下之分豈其命伯禽而首廢之哉按呂氏春秋  
魯惠公請郊廟之禮於周天子使史角往報之所謂  
天子蓋平王也使成王果賜伯禽則惠公又何復請  
之有其曰天子使史角往報之蓋亦未之許也平王  
猶不之許而謂成王賜之乎且襄王之世衰亦極矣



猶不許晉文公之請隧。而謂成王不如襄王乎。且伯禽之賢。雖不及周公。然賢於晉文公遠矣。豈肯受之哉。禮又曰。成王康王賜魯重祭。成王既賜康王。又何加焉。此蓋不能自掩其偽矣。然則魯之僭禮何始也。曰。著在春秋。與魯頌春秋桓公五年書大雩。雩之僭始於桓也。閔二年書曰禘於莊公。禘之僭始於閔也。僖三十一年書曰四卜郊。郊之僭始於僖也。魯頌閔宮三章。首言乃命魯公。俾侯於東。錫之山川。土曰附。



庸無異典也。其下乃言周公之孫莊公之子。以及於  
享祀不忒。皇皇后帝。皇祖皇稷。蓋魯自伯禽而下十  
有八世。自僖公始有郊祀。而詩人頌之。則其不出於  
成王之賜益明矣。故論語載孔子之言曰。禘自既灌  
而往者。吾不欲觀之矣。禮記載孔子之言曰。祀之郊  
也。祀禹也。宋之郊也。祀湯也。魯之郊禘。非禮也。當時  
魯之僭禮。不惟聖人非之。天下有識者。蓋亦非之。魯  
之君臣。恐天下議已。乃僭名於成王伯禽。以掩天下



之。魯之陋儒諂佞。遂作明堂位以文其過。甚矣其  
無忌憚也。孰甚焉。魯頌曰。白牡騂剛。白牡。周公之牲  
也。周公既用天子禮樂。胡爲而白其牲乎。白者殷之  
色也。宋之郊用之宜也。魯人用之不宜也。既不宜矣。  
用之何義。噫。我知之矣。魯之君臣見宋之郊必私相  
謂曰。宋無功於周。而且郊。可以魯而不郊乎。於是郊  
宋之郊。亦白其牲。使後世有王者起。以僭分討魯。則  
以宋爲解。若其果受成王之賜。則遂用周之赤色矣。



元儒許白雲亦嘗考魯郊廟之事不出成王之賜然  
以程朱嘗引言之終不敢議是敢于非周公孔子而  
不敢以非宋人也學者膏肓之病也哉

吳弘基曰予讀升庵丹鉛總錄博審精訂古今事  
莫不辨析其於禮樂器數朝廷綱紀尤為刻覈閱  
史箋次多所採取此實貫道之儒非僅文字之流  
也



夏小正 闕名

鴈鄉

正月鴈北鄉。先言鴈而後言鄉者。見鴈而後數其鄉也。鄉者。何。其居也。鴈以北方爲居。何以謂其居。生且長耳。

魚負冰

魚陟負冰。陟。升也。負冰者。蟹蟄也。

農緯來



農緯厥來緯束也

俊風

時有俊風者大也。大風南風也。何大於南風也。曰合  
水必爲南風。解水必於南風。生必於南風。殺必於南  
風。故大之也。

豺祭獸謂之祭

豺祭獸謂之祭獺。祭魚謂之獸。何也。豺祭其類。獺祭  
非其類也。



小正

何以謂之小正。以小著名也。

萬用入學

二月萬也者。千戚舞也。入學也者。大學也。謂今時太

舍衆也。

鳩言

鳩言始相命也。

祈麥實



三月祈麥實者五穀之先也故以急祈而記之者也  
執駒攻駒

四月始執駒執駒者離之去母也報而叔之君也攻駒者教之眼車也

來降燕乃睇

五月燕已也降者下也言來者何也莫能見始出也故曰來降言乃睇何也睇者盼也盼眎可爲室者也  
百鳥皆曰巢燕言室者操泥而入人之室也



斗柄正在上

六月初昏斗柄正在上。五月大火中。六月斗柄正在上。用此知北斗柄不在當也。

狸子肇肆

七月狸子肇肆始也。肆者逐也。言其始逐。

栗零

八月栗零降零而取之。非剥也。

陟玄鳥蟄



九月陟叔也玄鳥燕也先言陟而後言其蟄者陟而後蟄故也

黑鳥浴

十月黑鳥鳥也浴也者謂飛乍上乍下也

養夜

時有養夜養長也箸冰

王狩

王狩十一月王狩者言王之時冬獵為狩



尔雅云駒  
不鳥也古  
今注黑鯉  
為玄駒

玄駒賁

十二月玄駒賁玄駒者蟻也賁者走於地中也







